

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-100-43/19

Datum: 08.06.2021. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Visoka škola „Banja Luka Collage“**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

o akreditaciji visokoškolske ustanove **Visoka škola „Banja Luka Collage“** i sljedećih studijskih programa:

- Menadžemnt, poslovanje i poslovna ekonomija
- Informatika

O b r a z l o ž e n j e

Dana 06.03.2019. godine Agencija je zaprimila od Agencije za visoko obrazovanje Republike Srpske (ranije HEAARS) (u daljem tekstu: AVORS) Prijedlog za imenovanje komisije stručnjaka za akreditaciju visokoškolske ustanove **Visoka škola „Banja Luka Collage“**, broj: 01/1.5.36-1-4/18 od 04.03.2019.godine, kojim je predložen minimalan broj članova Komisije stručnjaka po svakoj kategoriji. Naknadno je, dana 12.03.2019.godine dostavljen Prijedlog o izmjeni prijedloga Komisije domaćih i međunarodnih stručnjaka broj 01/1.5.36.1-4-1/18 od 11.03.2019.godine u kojem je izvršena zamjena jednog člana Komisije stručnjaka. Agencija je, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-100-7/19 od dana 12.03.2019. godine.

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

Dana 22.08.2019. godine AVORS je ovoj Agenciji dostavila Zahtjev za izdavanje preporuke o akreditaciji za visokoškolsku ustanovu **Visoka škola „Banja Luka Collage“** i dva studijska programa. U prilogu Zahtjeva je dostavljena je ovjerena kopija Izvještaja o eksternoj evaluaciji za **Visoka škola „Banja Luka Collage“** i dva studijska programa (u daljnjem tekstu Izvještaj). Analizirajući dostavljeni Izvještaj Komisija za davanje preporuke je Zapisnicima, broj: 05-33-1-100-10/19 od 28.08.2019. godine i broj: 05-33-1-100-11/19 od 05.09.2019.godine, konstatovala određene nedostatke kako u smislu strukture pisanja Izvještaja, tako i opisa ispunjenosti zahtjeva kriterija, te zaključkom predložila direktoru Agencije da postupi u skladu sa članom 7. stav 2) Instrukcije o načinu davanja preporuke o akreditaciji, a koji kaže da Agencija može od komisije stručnjaka zatražiti pojašnjenja ako izvještaj komisije stručnjaka ne daje na adekvatan način dovoljno informacija o jednom ili više kriterija. S tim u vezi, Agencija je dana 31.10.2019.godine dopisom, broj: 05-33-1-100-12/19, od AVORS-a tražila dopunu pomenutog Izvještaja, kao i dostavljanje recezentskih izvještaja za studijske programe.

Umjesto tražene dopune na pomenuti dopis Agencije 13.02.2020.godine dostavljen je još jedan Zahtjev za izdavanje preporuke o akreditaciji od strane AVORS-a, a prethodno je dana 11.02.2020. godine Ministarstvo za naučnotehnoški razvoj, visoko obrazovanje i informatičko društvo Republike Srpske dostavilo Rješenje o akreditaciji radi upisa u Državni registar akreditovanih visokoškolskih ustanova u BiH.

Nakon intenzivne korespondencije sa AVORS-om i Ministarstvom za naučnotehnoški razvoj, visoko obrazovanje i informatičko društvo Republike Srpske direktor Agencije je Rješenjem, broj: 05-33-1-100-21/19 od 09.06.2020.godine, imenovao komisiju za ocjenjivanje usklađenosti rješenja o akreditaciji predmetne visokoškolske ustanove, a koja je svojim Zapisnikom konstatovala da nije moguće utvrditi da li je rješenje o akreditaciji visokoškolske ustanove, usklađeno sa minimalnim standardima u području visokog obrazovanja i kriterijima za akreditaciju, odnosno da je Rješenje o akreditaciji predmetne visokoškolske ustanove doneseno bez preporuke o akreditaciji. Nakon toga je direktor Agencije donio Rješenje, broj: 05-33-1-100-23/19 od 09.07.2020.godine, kojim se odbija zahtjev za izdavanje preporuke o akreditaciji predmetne visokoškolske ustanove i dva studijska programa, kao i Rješenje, broj: 05-33-1-100-24/19 od 10.07.2020.godine, kojim se odbija upis predmetne visokoškolske ustanove i dva studijska programa u Državni registar akreditovanih visokoškolskih ustanova u Bosni i Hercegovini.

Dana 08.10.2020. godine Agencija je Zahtjevom broj: 05-33-1-100-28/19, od imenovanih članova Komisije stručnjaka tražila pojašnjenja Izvještaja. U prilogu pomenutog Zahtjeva članovima Komisije stručnjaka dostavljen je ranije pomenuti zahtjev za dopunom Izvještaja dostavljen AVORS-u, broj: 05-33-1-100-12/19 od 31.10.2019.godine.

Dana 14.12.2020.godine, dostavljeno je Izjašnjenje Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji **Visoke škole „Banja Luka Collage“**. Analizirajući dostavljeno Izjašnjenje utvrđeno je da se isto odnosi na zahtjev Agencije za pojašnjenjem Izvještaja Komisije stručnjaka. U uvodu pomenutog Izjašnjenja se navodi da Komisija stručnjaka u potpunosti stoji iza nalaza i ocjena datih u Izvještaju o eksternoj evaluaciji **Visoka škola „Banja Luka Collage“**, a u nastavku istog stoje navodi da Komisija stručnjaka ostaje pri svojim nalazima kao i datim preporukama po svakom kriterijumu pojedinačno.

Komisija za davanje preporuka je nakon individualnog analiziranja dostavljenog očitovanja i zaključka Komisije stručnjaka i u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), na sastanku, održanom 28.12.2020.godine, razmijenila stavove i zapažanja, te zaključila da Instrukcija o načinu davanju preporuka o akreditaciji visokoškolskih ustanova, odnosno studijskih programa, ne propisuje postupanje u slučaju kada Komisija stručnjaka ne postupi u skladu sa zahtjevima Agencije u vezi dopuna i pojašnjenja Izvještaja komisije stručnjaka, te je uvidom u ranije dostavljenu ovjerenu kopiju Izvještaja Komisije stručnjaka, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini, te
- da je u skladu sa Odlukom o normama i Odlukom o kriterijima za akreditaciju visokoškolskih ustanova u BiH.

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *znatno ispunjen*
- e) Nastavno osoblje: *znatno ispunjen*
- f) Resursi za učenje i podrška studentima: *potpuno ispunjen*
- g) Upravljanje informacijama: *potpuno ispunjen*
- h) Informisanje javnosti: *znatno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *znatno ispunjen*

Komisija stručnjaka je na osnovu ukupne ocjene kvaliteta dala preporuku za akreditaciju sljedećih studijskih programa:

- o Menadžment, poslovanje i poslovna ekonomija
- o Informatika

Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana.

www.hea.gov.ba, e-mail:info@hea.gov.ba

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Visoka škola „Banja Luka Collage“ i gore navedenih studijskih programa**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.

Direktor

Prof. dr. Enes Hašić

Dostaviti:

- Agencija za visoko obrazovanje Republike Srpske
- Visoka škola „Banja Luka Collage“
- ☉ Sektor 05
- a/a

